

和氣欲超昇寒色沈凝清涼內爽亦能騰卻被外炎相伏定春  
冷秋蒸 陰照復陽登陽喜陰增人當衰處轉誇能天欲明而  
仍暫暗禍福交承

又 歎虛飄飄

石火不相饒電裏光燒百年恰似水中泡一滅一生何太速風  
燭時燒 公等在浮囂悟取虛韶福油好把慧燈挑光焰長生  
明又朗返照芝苗 人要悟黃芽勿戀榮華俗家出了做仙家  
物物拈來都打破藉甚嬰娃 蓬島現光華翠霧紅霞長春園  
裏看靈葩覆燾清光仍自許得得休誇

驀山溪

道藏輯要

重陽全真集

四

中胃集一

玉堂三老唯識王三操復許辨三台更能潤三田倚靠自然三  
耀攢聚氣精神運三車依三教永沒沈三道 須通三寶方見  
三清好真性照三峯陡免了三焦做造休論三世諸佛現前來  
得三乘遊三昧瑩瑩歸三島  
修行學道切莫憑嬰姪只是這些兒把塵俗般般不惹自然蕭  
索寂寞與他依餐殘飯著麤衣飽暖休相捨 常從坦蕩守養  
身軀假閑裏得真閑覺清涼惺惺灑灑暗中功行直待兩盈盈  
靈明顯做逍遙師父看來也

水中漚起來往相隨走旋旋被風吹便生滅暫無還有忽亡忽  
聚過速沒人知如浮世不堅牢名利難長久 諸公早悟休要

迷花酒養聚氣和神更認取三光靈秀朝昏調攝保護結金丹  
添眞瑩放明光永得逍遙壽

又 贈劉哥會剃頭面

公能刀鐸將彼姿顏接刮削與提擗甚停當心洽意愜如描似  
畫眉秀鬢鬢齊添嫩貌減衰容又更增言捷 內靈和協無質  
無腮頰妙手有何述敢把此分明拈捻若還會得慧劍便磨龔  
呈白刃顯青鋼剃出圓成擘

燕歸梁

這箇修行理最深水裏淘金見清淨處細搜尋唯風月是知音  
綿綿永永無令歇如撈得稱嘉吟一從攜去上高岑方能顯

道藏輯要

重陽全真集

五

中胃集

道人心

掛金燈

劉蔣庵

好池亭華麗於中瑩善修外景裝成內景這兩事誰能省 謹  
按黃庭緝整表裏通賢聖水心炎炎火焰猛勁既鍊出眞清靜

金蕉葉

撲入塵凡世俗這恩字更兼愛獄被玉杻金枷緊束受無窮不  
足 百歲光陰迅速更朝磨夜磨催促早離了家緣孤宿結神  
仙眷屬

祝英臺

詠骷髏

無事閑行郊野過見棺木板破裏頭白白一骷髏獨瀟灑愁